

e-Dinamik

MAJALAH DIGITAL AKADEMIa UiTM CAWANGAN JOHOR

eISSN: 2682-7832



EDISI KETUJUH 2025



اَبُو سَیِّدَتِیْ سَیِّدَتِیْ سَیِّدَتِیْ سَیِّدَتِیْ سَیِّدَتِیْ
UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.

Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademia.



Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademia untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.

DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatimah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad

Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin



PENYULUH DALAM GELAP

Juyati Mohd Amin

Pagi itu, jam baru menunjukkan 7.45. Aku menarik nafas panjang sebelum melangkah masuk. Seperti biasa, senyum kuusahakan walau dalam hati, ada beban yang tak pernah selesai.

“Assalammualaikum dan Selamat pagi, semua. Kita mulakan kelas dengan bacaan Ummul Kitab”

Sebahagian menyahut, sebahagian masih larut dalam dunia sendiri. Aku sudah terbiasa. Namun pagi ini, mataku segera menangkap satu wajah di belakang kelas. Wajah yang kelmarin menghantar mesej lewat malam:

“Madam, saya tak mampu teruskan lagi. Segalanya terasa gelap.”

Aku cuba mengekalkan rentak kuliah. Slide demi slide dipaparkan, suara keluar dengan lancar, namun hatiku resah, fikiranku bercabang antara isi kuliah dan wajah resah itu. Seseekali matanya tertunduk, kadangkala memandang kosong ke arah papan putih.

Bilik Pensyarah, Tengah Hari

Aku mencatat beberapa baris di dalam diari kecil berkulit biru, namun tanganku terhenti. Ingatan segera kembali pada e-mel tentang laporan CDL CQI yang masih tertangguh. Aku terdiam panjang. Dunia akademik kian menekan dengan beban tugas sedang pelajar pula mendambakan bimbingan dalam langkah yang masih rapuh. Di celah dua arus ini, aku hanyalah manusia dengan daya yang terbatas.



Akhirnya aku menghantar mesej kepada pelajar yang juga *mentee* itu, mengajaknya datang ke bilik untuk berbicara.

“Madam... terus terang, saya dah rasa terlalu penat. PTPTN tak cukup, ibu saya di kampung sakit, dan saya perlu kerap balik menjenguknya. Tugas makin banyak. Ada masa saya fikir... berhenti belajar mungkin jalan paling mudah.”

Aku hanya mampu terdiam. Kata-katanya menembusi ruang sunyi dalam hatiku. Aku bukan kaunselor, jauh sekali pakar jiwa. Namun sebagai pensyarah, aku tidak tega melihat jiwa muda itu tenggelam.

“Saya tahu awak letih... tapi percayalah, awak tidak keseorangan. Hidup memang terasa berat, namun selalu ada jalan. Jangan berhenti di sini. Suatu hari nanti, semua penat dan pengorbanan ini akan jadi bekal berharga buat awak, juga buat keluarga yang awak sayangi.”

Dia menunduk, air mata menitis. Aku hulurkan tisu. Hanya itu yang mampu.

Seusai pelajar itu melangkah pergi, aku kembali membuka diari kecil itu, lalu menulis perlahan:

“Hari ini aku belajar sesuatu. Menjadi pensyarah bukan sekadar mengulang teori di hadapan kelas. Kami adalah saksi kepada tawa, resah, dan rapuhnya jiwa pelajar. Kadang-kadang kami dituntut menjadi kaunselor, adakalanya ibu bapa, bahkan teman setia. Di sebalik segala beban tugas dan laporan, aku semakin mengerti: hakikat seorang pendidik adalah sebuah amanah.”

Aku menutup diari itu. Lelah masih bersisa, namun entah mengapa hati terasa lebih lapang. Barangkali inilah makna sebenar menjadi pensyarah: bukan sekadar menyampaikan ilmu, tetapi memastikan jiwa muda itu tidak hilang dalam gelap. Dan biarlah diari ini menjadi saksi, bahawa di sebalik gelaran akademik, ada hati yang sentiasa belajar tentang tabah, tentang sabar dan tentang erti mendidik.

